



“Бугун меҳнатларим муносиб баҳоланиб, Бектемир туман ҳоқими лавозимига тайинландим. Бу ишонч, биринчи галда зиммамга улкан масъулият юклайди. Энди маҳаллада орттирган тажрибамни туман тараққиёти учун сарфлайман”.



“Маҳаллада бирорта жиноят содир этилмади. Мақсадимиз, шу ҳолатни янада мустаҳкамлаш ва жиноятларни олдиндан бартараф этишга эришишдир. “Маҳалла еттилиги” ва кенг жамоатчилик билан ҳамкорликда ишлаймиз”.



ЎЗБЕКИСТОН МАҲАЛЛАЛАРИ УЮНМАСИНИНГ ИЖТИМОИЙ-СИЁСИЙ, МАЪНАВИЙ-МАБРИҲИЙ ГАЗЕТАСИ

2024 йил
14 МАРТ,
ПАЙШАНБА

Маҳалла

№17
(2155)

БУГУНГИ СОНДА:

Ипотека кредити “еттилик” тавсияси билан берилади

Президент Шавкат Мирзиёев 12 март куни жорий йилда уй-жойлар ҳамда “Янги Ўзбекистон” массивлари қурилиши бўйича йиғилиш ўтказди. Камбағал оилаларга “маҳалла еттилиги” тавсияси асосида ўз ховлисида уй қуриш ва таъмирлашга 120 миллион сўмгача ипотека кредити ажратиш йўлга қўйилади.

2-с.

Келажак касблари қандай ўқитилади?

Ёшларни замонавий касблар ва хоржий тилларга бепул ўқитиш учун “Келажак касблари” лойиҳаси ташкил этилган. Мазкур лойиҳада бугунги кунгача 17 205 нафар ёш 40 дан ортиқ йўналишлар бўйича замонавий касбларга ўқитилиб, уларга жами 37,5 млрд. сўм миқдорида ёрдам кўрсатилди. Ариза берувчи “Ёшлар дафтари”га кириши, 30 ёшдан ошмаган бўлиши керак.

4-с.

Норасмий фаолият қонуний тус оляпти

Шу пайтга қадар маҳалланинг солиқларни йиғишдаги ўрни ва манфаатдорлиги, ҳудуд инфратузилма муаммоларини ечишга қаратилган тизим мавжуд эмас эди. Ушбу муаммонинг ечими сифатида 1 январдан маҳалла бюджетини шакллантириш ҳамда маблағларни “маҳалла еттилиги”нинг қарорлари орқали инфратузилмани яхшилашга йўналтириш белгиланди.

5-с.

Дангасалик ва боқимандаликни қандай енгиш мумкин?

Иродавий сифатлар орқали дангасалик ва боқимандалик табиатини енгил мумкин. Қисман генетик тузилишлар муҳим аҳамият касб этади. Салбий одатлардан воз кечиш қанчалик қийин бўлмасин, улардан қутулиш учун ҳаракат қилиш, соғлом, фойдали ва самарали одатларни шакллантириш лозим.

7-с.

“Низолар йўқ, ажралишдан холи ҳудудмиз”

Аёлнинг кайфияти кўтаринки бўлса, турмуш таъшиларининг барчасини удалайди. Рўзгор юмушлари, фарзанд тарбияси, қайнота-қайнона ва турмуш ўртоғининг хизматидан чарчамайди. Бу оиладаги муҳитга ижобий таъсир кўрсатади. Шунинг учун, биринчи навбатда, маҳалламиз аёлларининг орзу-истакларини амалга оширишга эътибор қаратиб келяпмиз.

8-с.

Бизни ижтимоий тармоқларда қураётинг!
@mahalla_raislari
@mahalladosh_1
@mahalladosh

Сизни ўйлантираётган масалалар бўйича телеграмдаги «uzmahallabot»га савол ва таклифларингизни юборинг ва барчасига жавоб олинг!

“Обод ва файзли маҳалла — юрт кўрки”

Вазирлар Маҳкамаси фармойишига кўра, 2024 йил 16-18 март кунлари ана шу шиор остида юртимиз маҳаллаларида умумхалқ хайрия ҳашари ўтказилади



“Маҳалламга 10 тул дарахт — менинг туҳфам” акцияси ўтказилади.

БИЛИБ ҚЎЙИНГ!

Мажбурий меҳнатми ёки ҳашар?

Меҳнат кодексига кўра, бирор-бир киши жазо қўллаш билан кўрkitиб, бошқа кишига унинг ихтиёрига қарши равишда ҳар қандай ишни ёки хизматни қилдириши мажбурий меҳнат саналади.

Қандай ҳаракатлар мажбурий меҳнат ҳисобланади? Мажбурий меҳнатнинг кенг тарқалган кўринишлари сифатида пахта териш ёки бошқа қишлоқ ҳўжалиги ишларига, ободонлаштириш, қурилиш, таъмирлаш ишларига, навбатчиликка жалб этиш, иш

вақтидан ташқари ортиқча ишлаш, металл чиқиндилари ва макулатура топширишга мажбурлаш қабиларни кўрсатиш мумкин.

Ўзбекистонда мажбурий меҳнат тақиқланган. Аммо қонунчиликда айрим турдаги иш-ҳаракатларга мажбурий меҳнат сифатида қаралмайди. Хусусан, ҳарбий ёки муқобил хизматни ўташ билан боғлиқ ишлар, суд қарорларини ижро этиш учун қонуний кучга кирган қарор бўйича жазо сифатида бажариладиган иш мажбурий меҳнат ҳисобланмайди.



3-с.

Маҳалла орқали бепул кўчат тарқатилади

ОБОДЛИК

Ҳашар мамлакатимизда Наврўз умумхалқ байрамини нишонлаш ҳамда муборак Рамазон ойини муносиб тарзда ўтказиш, маҳаллалар, аҳоли тураржойлари, хиёбонлар, зиёратгоҳлар, қабристонлар ҳамда болалар майдончаларини ободонлаштириш мақсадида амалга оширилади.

Бу йилги ҳашар “Обод ва файзли маҳалла — юрт кўрки” шиори остида ўтказилишида катта рамзий маъно бор. Зеро, миллийлигимизнинг муҳим кўриниши саналган маҳалла ва ҳашар кадрияти замирида халқимизнинг бой тарихи, бебаҳо маънавий урф-одат ва анъаналари, халқимизнинг инсонийлик, олижаноблик, меҳр-саховат каби эзгу фазилатлари мужассам. Бу жиҳатлар жорий йилги ҳашарда ҳам ўз аксини топиб, унинг доирасида бир қатор хайрли тadbирлар амалга оширилади.

Мисол учун, “Маҳалламга 10 тул дарахт — менинг туҳфам” шиори остида барча тураржой мавзелари ва маҳаллаларда иқлим шароитига мос ҳамда суғориш тизимини ҳисобга олган ҳолда дарахт кўчатлари экилади. “Яшил макон” умуммиллий лойиҳаси доирасидаги кўкаламзорлаштириш тadbирлари давом эттирилади.

Бу йил маҳалла орқали аҳолига бепул кўчат тарқатилиб, дарахт экиш ишлари ташкил этилади. Аҳоли пунктларида қаровсиз қолган ҳудудларни кўкаламзорлаштириш, мазкур тadbирларга аҳолининг банд бўлмаган қатламни ихтиёрийлик асосида жалб қилиш чоралари кўрилади.

Давоми 3-саҳифада.


“Энг намунали маҳалла раиси” танловининг ҳудудий босқичлари яқунланди

2-с.



“Туман марказига кимдир бора олади, кимдир...”

“Соҳанинг яна бир нозик жиҳати, сир сақлай билишдир. Ҳаётда қийналган, оғир кунларни бошдан кечираётган киши бизни ўзига яқин кўриб, дардини айтади. Уларнинг ишончига лойиқ бўлиш инсоний бурчимиз. Шундай вақтда буни қалбдан ҳис қилиш, имкон қадар унга ёрдам кўрсатиш керак”.





Президент тадбиркорлар фаолиятини кенгайтириш ва экспортга жалб этиш бўйича ТАКЛИФЛАР ТАҚДИМОТИ билан танишди.



Шавкат Мирзиёев Муборак РАМАЗОН ОЙИ кириб келиши муносабати билан Ўзбекистон халқига табрик йўллади.



Давлатимиз раҳбари БАА Президенти Шайх Муҳаммад бин Зоид Ол Наҳаён билан ТЕЛЕФОН ОРҚАЛИ мулоқот қилди.

ТАНЛОВ

“Энг намунали маҳалла раиси” танловининг ҳудудий босқичлари якунланди

Маҳалла раиси аҳолининг энг яқин ҳамкоридир. Йиғиндаги бирорта хонадонда нотинчлик юз берса, раис аралашуви билан ижобий ҳал этилади. Четдан бирорта меҳмон келса, дастлаб раисни сўрайди. Қўшни қўшниси билан тортишиб қолса ҳам ўртага раис тушади. Хуллас, маҳалла раиси элнинг кайвониси бўлади. Ёшу қари бирдек ҳурмат қилиб, ёшига қарамай, унга “раис бува” деб мурожаат қилишади. Ҳудудларда ана шундай фидойи, ташаббускор, жонқуяр раислар “Энг намунали маҳалла раиси” танловида ўзаро беллашди.



Танловнинг Хоразм вилояти босқичида Шовот туманидаги “Бешмерган” маҳалласи раиси Уйғун Шарифзода биринчи ўринни эгаллади.



Танловнинг Бухоро вилояти босқичида Жондор туманидаги “Намғони” маҳалласи раиси Баҳромжон Юсупов биринчи ўринга муносиб кўрилди.



Танловнинг Навоий вилояти босқичида Навоий шаҳридаги “Ўзбекистон” маҳалласи раиси Дилноза Курбонова биринчи ўринни қўлга киритди.




Танловнинг Қашқадарё вилояти босқичида Косон туманидаги “Реззор” маҳалласи раиси Ҳамза Уринов биринчи ўринни қўлга киритди.



Танловнинг Наманган вилояти босқичида Янгиқўрғон туманидаги “Қизилёзи” маҳалласи раиси Жаҳонгир Ёқубжонов биринчи ўрин соҳиби бўлди.



Танловнинг Сурхондарё вилояти босқичида Сарисийё туманидаги “Сангардак” маҳалласи раиси Ўрозбой Мирзаев биринчи ўринга лойиқ кўрилди.



Танловнинг Фарғона вилояти босқичида Тошлоқ туманидаги “Қамчипуруш” маҳалласи раиси Давронбек Абдуллаев биринчи ўринни қўлга киритди.

КУН НАФАСИ

Ипотека кредити “еттилик” тавсияси билан берилади

Давоми. Бошланиши 1-саҳифада.

Одамларнинг харид имкониятини кенгайтириш учун тўрт йил олдин ипотека тизимининг бозор тамойилларига асосланган янги тартиби жорий қилинди. Ўтган даврда барча манбалардан 100 триллион сўм маблағ йўналтирилди. Худудларда 6 мингта кўп қаватли уй барпо этилиб, 250 минг оила янги бошланган бўлди. Даромади юқори бўлмаган 45 мингта оилага бошлангич бадал ва фойз тўлови учун 2,4 триллион сўмлик субсидия берилди.

Жорий йилги дастур доирасида 100 мингта уй-жой қуриш режалаштирилган. Бунда, аввало, янги уйларнинг сотув нархи ва сифатига эътибор қаратилади. Бу йил ипотекани молиялаштириш учун барча манбалардан 22,5 триллион сўм йўналтирилди. Жумладан, ипотека кредитлари учун қарийб 10 триллион сўм, даромади юқори бўлмаган 20 минг оилага бошлангич бадал ва фойз тўловини қоплаш учун 2,3 триллион сўм берилди.

Ипотека кредитлари бўйича гаровга олинадиган уйни суғурталаш талаби бекор қилинади. Эндиликда 5 қаватли уйларни барпо этишга камида “қониқарли” ва 9 қаватли уйларга “ўрта қониқарли” рейтингига эга бўлган пудратчилар жалб қилинади. Ту-

рар жой қурилишида “яшил” стандарт жорий қилинади.

Ночор оилаларга маҳалла тавсияси билан ипотека кредити ажратилади. Камбағалликдан чиқариш дастурига кирган ва турар жойи ночор аҳволдаги оилаларга, “маҳалла еттилиги” тавсияси асосида ўз ҳовлисида уй қуриш ва таъмирлашга 120 миллион сўмгача ипотека кредити ажратиш йўлга қўйилади. Бунда кредитнинг 15 фоизи ва дастлабки беш йилда фойз ставкасининг 6 фоизгача банди бюджетдан қоплаб берилади.

Бугунги кунда худудларда 38 та “Янги Ўзбекистон” массивлари қурилиши бошланган. Жорий йилда яна 17 та массив бўлиб этиш кўзда тутилган. Лекин айрим жойларда кечикиш ҳолатлари бор. Масалан, Сурхондарё, Андижон, Тошкент, Самарқанд, Сирдарё вилоятларида қурилиш ишлари ортада қолмоқда. Шу боис ҳар бир массив кесимида манзилли рўйхат тасдиқлиб, бунёдкорлик ишлари жадаллаштирилади.

Айрим ноинсоф қурувчилар хариддорлар ишончини суистеъмол қилаётир. Улушдорлик асосида уй-жой барпо этишда аҳолини ҳимоя қилиш тизими кучайтирилади. Баъзи худудлардаги эски уйлар реновация асосида янгиланиб, одамларга замонавий шароитлар яратилади.

Президент Матбуот хизмати ахбороти асосида тайёрланди.

МЕНДА ТАКЛИФ БОР...

Намунали маҳалла раиси қандай аниқланиши керак?



Тошпўлат РАҲМАТУЛЛАЕВ, Самарқанд шаҳар “Боғимайдон” маҳалласи раиси.

Самарқандда “Энг намунали маҳалла раиси” танловининг вилоят босқичи бўлиб ўтди. Унда танловнинг туман ва шаҳар босқичларида ғолибликни қўлга киритган 16 нафар маҳалла раиси қаторида камина ҳам қатнашди. Чунки танловнинг Самарқанд шаҳар босқичида ғолибликни қўлга киритган эдим.

Биз, маҳалла раислари уч шарт бўйича ўзаро беллашдик. Биринчиси — амалга ошираётган ишларимизни слайд ёрдамида тақдим этиш лозим эди. Иккинчиси — соҳага оид қонун ҳужжатлари бўйича савол-жавобда қатнашиш ҳамда учинчиси — маҳаллада учрайдиган кутилмаган муаммоларни вазиётга ечим топиш бўйича ўз маҳоратимизни намойиш қилишимиз зарур эди. Шунингдек, танловда иштирок этиш учун маҳаллада амалга оширилган фотосуратлардан иборат иккита альбом ҳамда видеоролик тақдим этдик.

Танлов иштирокчиларининг чиқишини 9 нафар ҳакамлар ҳайъати 5 балли тизим асосида баҳолаб борди. Шу тарзда ғолиб — вилоятнинг энг намунали маҳалла раиси аниқланди. Биринчи ўрин Каттакўрғон шаҳридаги “Яккабоғ” маҳалласи раиси Равшан Ҳамроевга насиб этди. Иккинчи ўринни камина, яъни Самарқанд шаҳридаги “Боғимайдон” маҳалласи раиси Тошпўлат Раҳматуллаев, учинчи ўринни Нуробод туманидаги “Нурбулоқ” маҳалласи раиси Жасур Холов эгаллади.

Шундай қилиб, маҳалла раислари танлови ғолиби амалга оширган ишлари ҳақида тўрт дақиқа давомида гапириб бергани, иккита саволга жавоби ва маҳаллада юз бериши мумкин бўлган иккита муаммоларни вазиётга қандай ечим топишни сўзлаб бериши натижасида аниқланди.

Маҳалла тизимини ичидан билганларга энг намунали маҳалла раисини аниқлаш учун юқоридаги талаблар мезон бўла оладими, деган савол билан мурожаат қилган эдим. Аксарият бу етарли эмаслигини таъкидламоқда. Нега?

Танловга қатнашган раис гапга чечан, хотираси яхшилиги тўғрисида қонуни қарорларни ёдлаб олган бўлиши, барча саволларга аниқлик билан жавоб бериши мумкин. Шундай бўлганда, раиснинг шахс сифатидаги хислатларига баҳо барилмайдими?

Маҳалла раисининг асосий вазиёси — ўзи бошқараётган ҳудудда осойишталик ва ободликни таъминлаши, аҳоли муаммоларини жойида ҳал этилишига камарбаста бўлиши ва шу орқали фуқаролар розилигига эришиши эмасми? “Маҳалла еттилиги” бир жамоа бўлиб, раис бошчилигида барча масалаларга тезда ечим топса, маҳалла аҳли ариза ва шикоят билан юқори ташкилотларга мурожаат этмаса, маҳалла раиси фаолиятига берилган юқори баҳо шу эмасми?

Шундай экан, таклифим куйидагича: раислар фаолиятига баҳо бериш мақсадида танловдан олдин махсус комиссия тузилиб, вилоят босқичига чиққан раислар бош бўлган маҳаллалардаги муҳит, фуқароларнинг кайфияти ўрганилсин. Келажақда ўтказиладиган танловларда ушбу таклиф инобатга олинса, адолатли бўларди.

Кимдир танловдан олдин фотоальбом ва видеоролик тақдим этилиши маҳалла ҳаётини ўрганишга ёрдам беради, дейиши мумкин. Аммо альбом ва видеоролик билан танишишга ҳакамлар ҳайъати аъзолари вақт топдимики? Энг асосийси, уларга балл берилмайдими?

Бу менинг иштироким ва журналист сифатидаги фикрларим эди, ҳолос. Алоҳида таъкидлайманки, Самарқандда танловнинг шаҳар ва вилоят босқичлари кўтаринки руҳда, адолат мазонлари асосида ўтди.



Хукумат қарори билан ўзгалар парваришига муҳтож шахсларга ижтимоий ёрдам кўрсатишнинг ЯНГИ ТИЗИМИ жорий этилади.



Охириги уч ойда такси хизматлари бюджетга 9,7 МИЛЛИАРД СЎМ солиқ тўлади.



Янги қонун лойиҳасига кўра, ҚАРЗДОРЛИК УЧУН жисмоний шахслар энергия ресурслари тармоғидан узилиши мумкин.

ЭЪТИРОФ



БИЛАСИЗМИ?

Ижтимоий ҳимоя: Ёшларнинг таълим харажати қандай қопланади?

“Ижтимоий ҳимояга муҳтож ёшларни қўллаб-қувватлашнинг қўшимча чора-тадбирлари тўғрисида”ги Вазирлар Маҳкамаси қарорига кўра, ёшларни нодавлат таълим муассасаларидаги харажати қоплаш белгиланган. Бунда ариза берувчи ЯИДХПда рўйхатдан ёки авторизациядан ўтади ва сўров юборади. Ёшлар ишлари агентлиги аризани 10 иш куни давомида кўриб чиқади.

Тақдим этилган ҳужжатлардаги маълумот тўлиқ ва асосли эканини (фуқаронинг ҳақиқатда “Ёшлар дафтари”га киритилганини) текширади. Маълумотлар тўлиқ ва асосли эканлиги тасдиқланганда ариза берувчиларнинг электрон реестри шакллантирилади.

Ушбу электрон реестрга мувофиқ маблағларни жисмоний шахслар учун – Ўзбекистон Республикаси акциядорлик тижорат Халқ банкнинг ҳисобварағига, юридик шахслар (ўқув марказлар) учун

● уларнинг компенсация пулини олишга бўлган ҳуқуқини текширган ҳолда тегишли ҳисобварақларга ўтказиб беради. Хизмат натижаси бўйича ариза берувчиларга SMS хабар (тасдиқнома) юборади. Агар ҳужжатлардаги маълумот тўлиқ ва асосли эканлиги тасдиқланмаса, бу ҳақда идоралараро электрон тизимга маълумот киритилиб, ариза берувчига бир иш куни мобайнида хабар юборилади.

Хизматдан фойдаланиш учун қуйидаги ҳужжатлар зарур:

- ўқув машғулоти ташкил этиш тўғрисида жисмоний шахс ҳамда ўқув маркази ўртасида тузилган шартнома нусхаси (pdf форматда);
- имтиҳон топшириш харажати аризаچи (жисмоний шахс) тўлаган бўлса, тўлов топшириқномаси (pdf форматда);
- имтиҳон топшириш харажати аризаچи (жисмоний шахс) тўлаган бўлса, тўлов топшириқномаси (тегишли тижорат банки томонидан тасдиқланган) (pdf форматда);
- белгиланган шаклда реестр (ўқув маркази томонидан);
- миллий сертификат (pdf форматда).

Ёшлар ишлари агентлиги маълумотлари асосида тайёрланди.

“ҚАЛҚОН” гуруҳи тишчиликка қалқон бўляпти

Суратга тақдирлаш маросимидан лавҳа акс этган.

Мигрант ёшларни юртга қайтарин борасидаги тажрибам туманга намуна бўлмоқда. Яқинда маҳалладошимиз Азизбек Жаҳишовни Россиядан юртга қайтаринга эришдик. Бу йилги “Ёшлар дафтари”да рўйхатга олинган бўлиб, доимий ёрдам бериб келинган. Жумладан, ўқини учун шартнома пули, ҳарбий хизмат тўлови “Ёшлар жамғармаси” ҳисобидан қоплаб берилган.

Малика ХУДОЙБЕРДИЕВА, Учқудуқ туманидаги “Дустлик” маҳалласи ёшлар етакчиси.



Маҳалладаги 8 020 нафар аҳолининг орасида 14-30 ёшгача бўлганлар 1 502 нафарни ташкил этади. Барчаси “Ёшлар баланси”га киритилган. Ишсиз ва эҳтиёмжанд ёшларга алоҳида эътибор берилди.

Утган 2023 йилда 147 нафар ёшни Навоий кон-металлургия комбинати акциядорлик жамиятига ишга жойлаштирдик, 23 нафар ижтимоий ҳимояга муҳтожнинг шартнома пули тўлаб берилди.

Бундан ташқари, 2022 йилда маҳалла худудидида тадбиркор ҳомий ва маҳалла ёшлари билан бирга чўл худуди тупроғини унумдор ерга айлантирдик. Шу мақсадда 3 метр чуқурликда жўяк казиб, олиб келинган унумдор тупроққа 700 тупдан ортиқ ток, 500 тупдан ортиқ мевали ва манзарали кўчат эгдик. Худудда ёшларнинг бўш вақтини мазмунли ташкил этиш, миллий халқ ўйинлари ва спорт турларини оммалаштириш мақсадида замонавий спорт майдончаси барпо қилинди. Шунга яраша натижа салмоқли бўлмоқда. Масалан, маҳалла вакили С.Обидов “Беш ташаббус олимпиадаси”нинг республика босқичида спортнинг воркаут туридан фахрли ўринни эгаллади. Марғуба Бобоканова шахмат тури бўйича республика босқичида фаол иштирок этди. Танловнинг 2023 йилги иккинчи мавсумида маҳалла ёшларидан беш нафари вилоят, икки нафари республика босқичи совриндори бўлди.

Худудда жиноятчилик ҳамда ҳуқуқбузарликларнинг ол-

дини олишда профилактика инспектори билан ҳамкорликда “Қалқон” гуруҳини шакллантирганмиз. Ёшлардан иборат кўн-гиллилар маҳаллада жиноятчиликка қарши курашда фаоллик кўрсатмоқда.

2022 йилнинг 25 ноябрь куни Давлат раҳбарининг Навоий вилоятига ташрифи давомида Президент ва ёшлар ўртасидаги очик мулоқотда сўзга чиқиб, касб-хунар эгалари ўртасида республика танловларини ўтказиш таклифини бергандим. Эътиборлиси, бу таклиф бугун амалиётда қўлланилмоқда.

Бундан ташқари, маҳалла ёшлари муаммолари ечимига доир лойиҳа ишлаб чиқиб, амалиётга татбиқ этганман. Мисол учун мигрант ёшларни юртга қайтарин борасидаги тажрибам туманга намуна бўлмоқда. Яқинда маҳалладошимиз Азизбек Жаҳишовни Россиядан юртга қайтаринга эришдик. Бу йилги “Ёшлар дафтари”да рўйхатга олинган бўлиб, доимий ёрдам бериб келинган. Жумладан, ўқини учун шартнома пули, ҳарбий хизмат тўлови “Ёшлар жамғармаси” ҳисобидан қоплаб берилган. Аммо ишлаш учун Россияга кетиб қолганди. Уни ватанга қайтариш учун барча зарур чораларни кўрдим. Шахсан суҳбатлашиб, муаммосини ўргандим. Унга бир нечта иш таклиф қилдим. Ниҳоят, NKMK қарашли GMZ-3 заводида ишлашга рози бўлди. 1-сектор раҳбари, туман ҳокими кўмағида шу заводдан иш ўрни ажратилди.

Ўз навбатида ёшлар билан ишлаш тажрибам вилоят, республикада оммалаштирилиб, мутасаддиларнинг эътирофи сазовор бўлмоқда. Масалан, 2023 йилда ўтказилган “Илнинг энг намунали маҳалла ёшлар етакчиси” танловининг вилоят босқичида “Хуқуқбузарлик содир этишга мойиллиги бўлган ва жазони ижро этиш муассасаларидан озод қилинган ёшлар билан тизимли ишлаган энг намунали маҳалла етакчиси” йўналишида фахрли 1-ўринни эгалладим. Шу танловнинг республика босқичида 3-ўринни қўлга киритдим. 2022 йилда ўтказилган “Фидойи ёшлар етакчиси” танловининг вилоят босқичида фахрли 2-ўринни қўлга киритдим. Ўзбекистон Касаба уюшмалари федерацияси ижроия кўмитаси эълон қилган “Энг яхши ёшлар етакчиси” танловининг республика босқичи совриндори бўлдим.

Жорий йил 8-март Халқаро хотин-қизлар байрами арафасида Президент Фармони билан бир гуруҳ фаол хотин-қизларимиз нуфузли давлат мукофотлари билан тақдирланди. Қувонарлиси, улар орасида “Келажак бунёдкори” медали билан тақдирландим. Бундай юксак мукофот мени янада изланишга ундайди. Рости хушхабарни эшитиб, кўзларимга ёш келди. Келажакка ишончим яна ортди. Меҳнатим муносиб рағбат топганидан хурсандман.

Келажак касблари қандай ўқитилади?

ФИКР

Нодирбек АБДУҚОДИРОВ, Ёшлар ишлари агентлиги ахборот хизмати раҳбари.

Мазкур лойиҳада бугунги кунгача 17 205 нафар ёш 40 дан ортиқ йўналишлар бўйича замонавий касбларга ўқитилиб, уларга жами 37,5 млрд. сўм миқдоридида ёрдам кўрсатилди.

Ёшларни замонавий касблар ва хорижий тилларга бепул ўқитиш учун “Келажак касблари” лойиҳаси ташкил этилган. Мазкур лойиҳада бугунги кунгача 17 205 нафар ёш 40 дан ортиқ йўналишлар бўйича замонавий касбларга ўқитилиб, уларга жами 37,5 млрд. сўм миқдоридида ёрдам кўрсатилди.

Лойиҳанинг мақсади – билимли, меҳнатсевар, замонавий касб ва хорижий тилни пухта ўзлаштирган, ҳаётда ўз ўринини топа оладиган ёшларни шакллантириш ва уларни пухта тайёрлашдан иборат.

Ушбу тартиб Вазирлар Маҳкамасининг 2022 йил 7 июндаги тегишли қарори билан тасдиқланган Низомнинг 8-бўлими “Ёшлар дафтари”га киритилган ёшларга замонавий касбларни эгаллаши, ахборот технологияларини ўрганиши ва уларни хорижий тилларга ўқитиш бўйича ўқув курсларида ўқиш харажатларини қоплаш учун субсидия ажратиш тартиби” доирасида ўқув марказлари учун қўйиладиган талабларни белгилайди.

Ижтимоий ҳимояга муҳтож, ишсиз ёшларга замонавий касблар ва хорижий тилларни ўрганиш учун имконият яратиш, замонавий касблар, ахборот технология-

лар ва хорижий тилларни ўқитиш бўйича ёшларга сифатли ва бепул таълим бериш ҳамда замонавий касблар, ахборот технологиялар ва хорижий тилларни ўқитишга ихтисослашган ўқув марказларининг ривожланишини қўллаб-қувватлаш лойиҳа вазифаларидан ҳисобланади.

Лойиҳага кўра, ариза берувчи “Ёшлар дафтари”га кириши ёки “Ёшлар дафтари” жамғармаси маблағлари ҳисобидан қўллаб-қувватлаш бўйича мурожаат қилган 14 ёшга тўлган ва 30 ёшдан ошмаган Ўзбекистон Республикаси фуқароси ёки уларнинг вакили ҳамда фуқаролиги бўлмаган шахс бўлиши керак.

Ўқув маркази – давлат таълим стандартлари, давлат таълим талаблари ва ўқув дастурларига мувофиқ таълим хизматлари кўрсатиш фаолиятини амалга ошириш ҳуқуқини берадиган лицензия асосида ёки хабардор қилиш тартибидида таълим хизматлари кўрсатувчи юридик шахс, шу жумладан, нодавлат нотижорат ташкилотлари бўлиши лозим.

Лойиҳа доирасида ёшларга замонавий касбларни эгаллаши, ахборот технологияларни ўрганиши ва уларни хорижий тилларга ўқитиш бўйича олти ойгача муддатли ўқув курслари учун ҳар ойда базавий ҳисоблаш миқдори (БХМ – 340 минг сўм)нинг 4 бараваригача ёшлар етакчисининг ижобий тавсияси асосида “Ёшлар дафтари” жамғармаси маблағлари ҳисобидан субсидия ажратилади.






Руслан Абдуллаев,
Асадхўжа Мўйдинхўжаев,
Турабек Ҳабибуллаев,
Лазизбек Муллажонов,
Сабина Бобоқуллова
ОЛИМПИАДА
ЙўЛЛАНМАСИНИ қўлга
киритди.



Ўзбекистонлик боксчи
ИСРОИЛ МАДРИМОВ
“WBA” йўналишида
жаҳон чемпиони
бўлди.



“Насаф” (190-ўрин),
“Навбахор” (191-ўрин)
ва “Пахтакор” (395-ўрин)
IFFHS рейтингидан
жой олди.



МАДАНИЯТ

Ватан манзумаси

Пойтахтимиздаги «Туркистон» санъат саройида «Ватан манзумаси» деб номланган маърифий-маданий тадбир ўтказилди

Назокат УСМОНОВА,
Рустам НАЗАРМАТОВ (сурат),
ЎЗА

Мазкур тадбир Ўзбекистон Республикаси Мудофаа, Маданият вазириликлари, Ўзбекистон Ёзувчилар уюшмаси каби тузилмалар ҳамкорлигида ташкил этилди.

Ёшларни юртга, ўз халқига содиқ, ватанпарвар, эртанги кун учун масъулиятни теран англайдиган инсонлар этиб камолга етказиш масаласи мамлакатимизда кечаётган янгиланиш жараёнларида устувор ўрин эгаллайди.

2023 йил 22 декабрдаги Ўзбекистон Республикаси Президенти Шавкат Мирзиёев томонидан ўтказилган Республика Маънавият ва маърифат кенгашининг кенгайтирилган йўналишида бу борадаги саъй-ҳаракатларни янада янги босқичга олиб чиқиш долзарб эканига алоҳида эътибор қаратилди.

Мудофаа, Маданият вазириликлари, Ёзувчилар уюшмаси қисқа вақт мобайнида бу борадаги вазириятлар ижросига жиддий аҳамият қаратиб, бир қатор маърифий-ижодий лойиҳаларни ҳаётга жорий этиб келмоқда.

Шу билан бирга, матонатли ҳарбийларимиз, «Темурбеклар мактаби» фаолияти ҳақида ёрқин, ҳаётий, самимий асарлар яратиш масаласи ижодкор зиёлилар зиммасига улкан масъулият юклатмоқда.

Тантанали тадбир аввалида «Туркистон» саройи фойесига матонатли ҳарбийларимиз, уларнинг беором, захматларга тўла ҳаёти ҳақида ҳикоя қилувчи бадиий кўргазма ташкил этилди.

Шеърятимиз дарғалари — Ҳалима Худойбердиева, Эркин Воҳидов, Саъдулла Ҳаким, Маҳмуд Тоир ижодига мансуб Ватан ҳақидаги шеърлар Гулжамол Асқарова, Муҳаммадали Ғаффоров, Ситорабону Шомуродова, Нозима Ҳабибуллаева томонидан ўқилди.

“Алпомишлар юрти бу диёр” адабий композициясида Мансур Жумаев, Шахриёр Шавкат ижодидан намуналар янгради.

Тадбирда она-Ватан, тинч ва осуда ҳаётимизни ўз жонидан азиз билган мард ҳарбийларнинг табарруқ хотираси ёдга олинди.

Мудофаа, Ички ишлар вазириликлари, Миллий гвардия ашула ва ракс ансамблларининг чиқишлари иштирокчилар эътиборига ҳавола этилди.

Шеърятимиз дарғалари — Ҳалима Худойбердиева, Эркин Воҳидов, Саъдулла Ҳаким, Маҳмуд Тоир ижодига мансуб Ватан ҳақидаги шеърлар Гулжамол Асқарова, Муҳаммадали Ғаффоров, Ситорабону Шомуродова, Нозима Ҳабибуллаева томонидан ўқилди.



Бадиий-мусликий дастур Ўзбекистонимизни кўз қорачигидек асрашга, тинч ва осойишта, тўқин, фаровон кунларнинг қадрига етишга даъват этгани билан аҳамиятли бўлди. Бу каби тадбирлар мазкур саройда яна давом этади.

“Ватан манзумаси” адабий-маърифий тадбирида Ўзбекистон Республикаси Президенти маслаҳатчиси Хайриддин Султонов иштирок этди.

МАНЗАРА

“Низолар йўқ, ажралишдан холи ҳудудимиз”

Билимхон БАҒИШОВА,
Чортоқ туманидаги “Соз-сой” маҳалласи хотин-қизлар фаоли,
“Меҳнат шухрати” ордени
соҳибаси.

Аёлнинг кайфияти кўтаринки бўлса, турмуш ташвишларининг барчасини уйдалайди. Рўзгор юмушлари, фарзанд тарбияси, қайнота-қайнона ва турмуш ўртоғининг хизматидан чарчамайди. Бу оиладаги муҳитга ижобий таъсир кўрсатади, бақир-чақир, жанжалларга ҳолат қолмайди.

Шунинг учун, биринчи навбатда, маҳалламиз аёлларнинг кўнглига қарашга, уларнинг орзу-истакларини амалга оширишга алоҳида эътибор қаратиб келямиз. Натижалар қувонарли, оилалар тинч, ўзаро келишмовчилик ва низолар йўқ, ажралишдан холи ҳудудимиз.

Аслида, аёлга яқинларининг меҳри ва сеvimли машғулоти бўлса бас. Шу маънода уларни касб-хунарга ўқитиш, бандлигини таъминлашни ўз олдимизга асосий мақсад қилиб қўйганмиз. Маҳалла хотин-қизлари чорвачилик, боғдорчилик ва миллий хунармандчилик йўналишларида меҳнат қилиб келмоқда. Хоким ёрдамчиси билан бирга ҳар ойда 5 нафардан аёлни бандлигини таъминлаб келямиз.

Ҳадича Жумабоева икки йилдан буён меваларни қуритиш қорхонасини юритиб келмоқда. Йиллик даромади 200 миллиондан ошди. Қуритиш учун ноқ, олма, олхўри ва ўрик каби меваларни маҳалламиздаги боғбонлардан сотиб олади. Бундан ташқари, одамлар олиб борган мевалардан қоқи тайёрлаб беради.

Ҳар кунни вақт ажратиб, “маҳалла еттичилиги” билан бирга хонадонларга қирамиз. Бирор нарсадан беҳабар қолиб кетмайлик, деб доим серғакмиз.



Худудда 6 нафар хотин-қиз миллий хунармандчилик билан шуғулланади. Улар қуроқдан ке-

линлар сарпосига кўрпа-тўшаклар тикиб беришади. Барчасининг ишига меҳри бўлакча. Буюртмаларни тезроқ топшириш учун баъзан ширин уйқусидан кечинишади. Чоклари тоза, бичими бир-бирини такрорламайди. Уларга ҳавас қиладиганлар кўп. Шундайларнинг 5 нафари тавсия асосида касб-хунарга ўқиб, субсидия асосида тикув машинасига эга бўлишди. Хозир анча тажриба орттириб, даромад топишни бошлашган.

Шу маҳаллада туғилиб, ўсганим учун ҳаммани қандай ўй-фикрда, қандай мақсадда яшаётганидан хабардорман. Нима ёрдам керакчилигини улардан аввал ўзим ҳис қилиб тураман. Қолаверса, ҳар кунни вақт ажратиб, “маҳалла еттичилиги” билан бирга хонадонларга қирамиз. Бирор нарсадан беҳабар қолиб кетмайлик, деб доим серғакмиз. Фуқаролар шароитини

янада яхшилаш мақсадида йўлларимиз асфальт қилинди. Худудда 300 ўринли умумтаълим мактаби, 90 ўринли мактабга таълим ташкилоти қурилди. Хонадонларга ичимлик сув тармоғи тортилди. Янги маҳалла идорасида барча мурожаатларга ижобий ечим топиш ҳаракатидамиз.

Маҳалламизда ўзбек ва қирғиз миллати вакиллари истикомат қилишади. Ўзаро ахил-иноқ, ҳатто қанда-қанда бўлиб кетишган. Урф-одатлар уйғунлашиб, қўни-қўшинлар биродардек яшайди.

Шу кунга қадар эришган ютуқларимиз, ижобий натижаларимиз замирида халқимизнинг қўл-лаб-қувватлаши, қилаётган меҳнатларимиздан миннатдорлиги ётибди. Буни қалбдан ҳис қилган ҳолда уларга қандай ёрдам керак бўлса биз тайёрмиз.

Ўлчами — 380x587, 4 б.т.
8 650 нусхада чоп этилди.
Буюртма №: F-320

Газета таҳририят компьютер марказида саҳифаланди ва офсет усулида босилди.

«Шарқ» НМАК босмахонасида чоп этилди.
Босмахона манзили:
Тошкент шаҳри
Буюк Турон кўчаси 41-уй.



Муассис: «Mahalla» nashriyot-matbaa uyii» МЧЖ

Таҳририят манзили:
100192, Тошкент шаҳри
Мустақиллик шоҳ кўчаси 59-уй.
Телефонлар:
71 233-39-89, 71 233-10-92.
Нашр кўрсаткичи: 148

Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлиги томонидан 2019 йил 24 сентябрда 0019 рақами билан давлат рўйхатидан ўтказилган.

Ўзбекистон маҳаллалари уюшмасининг ижтимоий-сиёсий, маънавий-маърифий газетаси

Бош муҳаррир:
Бахтиёр АБДУСАТТОРОВ
Дизайнер:
Абдулазиз АҲМЕДОВ